

敕修陝西通志

第十
卷

陝西通志第九十六卷

藝文十二

五言律

六言律

七言律

秋日翠微宮

唐太宗

秋光凝翠嶺涼吹肅離宮荷疎一蓋缺樹冷半帷空側陣移鴻影圓
花釘菊叢攬懷俗塵外高眺白雲中

望終南山

同前

重巒俯渭水碧嶂插遙天出紅扶嶺日入翠貯巖烟疊松朝若夜複
岫缺疑全對此恬千慮無勞訪九仙

驪山寓目

中宗

四郊秦漢國八水帝王都閭闔雄里開城闕壯規模貫渭稱天邑含
岐寔與區金門披玉館因此識皇圖

過大哥宅探得歌字

元宗

陝西通志 卷九
魯衛情先重親賢愛轉多冕旒豐暇日乘景暫經過戚里申高宴平
臺奏雅歌復尋爲善樂方念保山河

惟此溫泉是稱愈疾豈予獨受其福思與兆人共之乘暇巡遊
乃言其志 同前

桂殿與山連蘭湯湧自然陰崖含秀色溫谷吐潺湲績爲蠲邪著功
因養正宣願言將億兆同此共昌延

隴頭水

盧照隣

隴阪高無極征人一望鄉關河別去水沙塞斷歸腸馬繫千年樹旌
懸九月霜從來共嗚咽皆是爲勤王

奉和人日宴清暉閣宴羣臣遇雪應制

宗楚客

窈窕神仙閣參差雲漢間九重中葉啟七日早春還大液天爲水蓬
來雪作山今朝上林樹無處不堪攀

春日芙蓉苑侍宴應制

宋之問

芙蓉秦地沼盧橘漢家園
谷轉斜盤徑川迴曲抱原
風來花自舞春入鳥能言
侍宴瑤池夕歸途騎吹繁

梨園亭子侍宴應制

崔湜

年光陌上發香輦禁中游
草綠鶯鶯殿花明翡翠樓
寶杯呈露酌仙館雜風流
今日陪歡豫皇恩不可酬

春日宴樂游園賦韵得接字

王勃

帝里寒光盡神臯春望淡
梅郊落晚英柳甸驚初葉
流水抽奇弄崩雲灑芳牒
清尊湛不空暫喜平生接

甘露

一作泉

殿侍宴應制

李嶠

月宇臨丹地雲牕網碧紗
御筵陳桂醕天酒酌榴花
冰向浮橋直城連禁苑斜
承恩恣歡賞歸路滿烟霞

蓬萊三殿待宴奉敕詠終南山應制

杜審言

北斗挂城邊南山倚殿前雲標金闕迴樹杪玉堂懸半嶺通佳氣中
峯繞瑞烟小臣持獻壽長此戴堯天

奉和九日幸臨渭亭登高應制得月字

韋元旦

雲物開千里天行乘九月絲言丹鳳池旆轉蒼龍闕灞水飲娛地秦
京游俠窟欣承解慍詞聖酒黃花發

奉和幸望春宮送朔方軍大總管張仁亶

李適

地限騎南牧天臨餞北征解衣延寵命橫劍總威名豹畧恭宸旨雄
文動睿情坐觀膜拜入朝夕受降城

奉和聖製登驪山高頂寓目應制

蘇頌

仙蹕御層氛高高積翠分巖聲中谷應天語半空聞豐樹連黃葉函
闕入紫雲聖圖恢寓縣歌賦少一作橫汾

奉和聖製溫泉言志應制

張說

溫谷媚新豐驪山橫半空湯池薰水殿翠木暖烟宮起疾逾仙藥無
私合聖功始知堯舜德心與萬久同

奉和聖制登驪山囑眺應制

前人

寒山上半空臨眺盡寰中是日巡遊瞻光遠近同川明分渭水樹
暗辨新豐巖壑清音暮天歌起大風

夜宿七盤嶺

沈佺期

獨遊千里外高卧七盤西山月臨窗近天河入戶低芳春平仲綠清
夜子規啼浮客空留聽褒城聞曙鷄

咸陽覽古

前人

咸陽秦帝居千載坐盈虛版築林光盡壇場雷聽踈野橋凝望日山
火類焚書惟有驪峯在空聞厚葬餘

陝西通志 卷九十六
奉和聖製登驪山高頂寓目應制

趙彥昭

皇情遍九垓御輦駐昭回路若隨天轉人疑近日來河看大禹鑿山
見巨靈開願扈登封駕常持薦壽杯

奉和九日幸臨渭亭登高應制得餘字

蕭至忠

望幸三秋暮登高九日初朱旗巡漢苑翠帟俯秦墟寵極更房遍恩
深菊耐餘承歡何以答萬億奉宸居

奉勅送呂補闕往西嶽勒碑得雲字

孫逖

刻石記天文朝推谷子雲篋中緘聖札巖下揖神君語別梅初艷爲
期草欲薰往來春不盡離思莫氛氲

奉和登會昌山應制

前人

巖磴列雲旗吾君訪道時乾行萬物觀群馭六龍遲望遠迴天顧登
高動睿詞願因山作壽長保會昌期

從駕溫泉宮

徐安貞

神女調溫液年年待聖人
試開臨水殿來洗屬車塵
暖氣隨明主恩波浹近臣
靈威自無極從此獻千春

終南山

王維

太乙近天都連山接海隅
白雲迴望合青靄入看無
分野中峯變陰晴衆壑殊
欲投人處宿隔水問樵夫

過香積寺

前人

不知香積寺數里入雲峯
古木無人徑深山何處鐘
泉聲咽危石日色冷青松
薄暮空潭曲安禪制毒龍

送楊長史由棧道入川

前人

褒斜不容幘之子去何之
鳥道一千里猿聲十二時
官橋祭酒客山木女郎祠
別後同明月君應聽子規

輞川閒居

前人

一從歸白社不復到青門時倚簷前樹遠看原上村青菰臨水拔白鳥向山翻寂寞於陵子桔槔方灌園

終南別業

前人

中歲頗好道晚家南山陲興來每獨往勝事空自知行到水窮處坐看雲起時偶然值林叟談笑無還期

題潼關樓

崔顥

客行逢雨霽歇馬上津樓山勢雄三輔關門扼九州川從陝路去河遶華陰流向曉登臨處風烟萬里愁

觀華嶽

祖詠

西入秦關口南瞻驛路連彩雲生闕下松樹到祠邊作鎮當官道雄都俯大川蓮峯徑上處彷彿有神仙

與鄆縣群官泛漢陂

岑參

萬頃浸天色千尋窮地根
舟移城入樹岸闊水浮村
閒鷺驚簫管潛蚪傍酒樽
暝來呼小吏列火儼歸軒

雪後與群公過慈恩寺

前人

乘興忽相招僧房暮與朝
雪融雙樹濕紗闌一燈燒
竹外山低塔滕間院隔橋
歸家如欲嬾俗慮向來消

晚至華陰

皇甫曾

臘盡促歸心行人及華陰
雲霞仙掌出松柏古祠深
野渡水生岸寒川燒隔林
溫泉看漸近宮樹晚沉沉

與鄆縣源大少府宴漢陂得寒字

杜甫

應爲西陂好金錢罄一餐
飯抄雲子白瓜嚼水精寒
無計迴舡下空愁避酒難
主人情爛熳持答翠琅玕

陪鄭廣文遊何將軍山林十首

山林在韋曲西塢坡

前人

不識南塘路今知第五橋名園依綠水野竹上青霄谷口舊相得濠梁同見招平生爲幽興未惜馬蹄遥

百頃風潭上千章夏木清卑枝低結子接葉暗巢鶯鮮鯽銀絲膾香芹碧澗羹翻疑柁樓底晚飯越中行

萬里戎王子何年別月支異花開絕域蔓草匝清池漢使徒空到神農竟不知露翻兼雨打開拆漸離披

旁舍連高竹疎籬帶晚花碾渦深沒馬藤蔓曲藏蛇詞賦工無益山林跡未賒盡拈書籍賣來問爾東家

賸水滄山破殘山碣石開綠垂風折筍紅綻雨肥梅銀甲彈箏用金魚換酒來興移無灑掃隨意坐莓苔

嵐磴吹陰雪雲門吼瀑泉酒醒思卧簾衣冷欲裝綿野老來看客河

魚不取錢只疑淳朴處自有一山川

棘樹寒雲色茵陳春藕香脆添生菜美陰益食簞涼野鶴清晨出山
精白日藏石林蟠水府百里獨蒼蒼

憶過垂楊渚走馬定昆池醉把青荷葉狂遺白接羅刺船思郢客解
水乞吳兒坐對秦山晚江湖興頗隨

牀上書連屋階前樹拂雲將軍不好武稚子總能文醒酒微風入聽
詩靜夜分絺衣掛蘿薜涼月白紛紛

幽意忽不愜歸期無奈何出門流水注回首白雲多自笑燈前舞誰
憐醉後歌祇應與朋好風雨亦來過

重過何氏五首

前人

問訊東橋竹將軍有報書倒衣還命駕高枕乃吾廬花妥鶯捎蝶溪
喧獺趁魚重來休沐地真作野人居

山雨尊仍在沙沉榻未移犬迎曾宿客鴉護落巢兒雲薄翠微寺天清皇子陂向來幽興極步履過東籬

落日平臺上春風啜茗時石闌斜點筆桐葉坐題詩翡翠鳴衣桁蜻蜒立釣絲自今幽興熟來往亦無期

頗怪朝參嬾應耽野趣長雨拋金鎖甲苔卧綠沈槍手自移蒲柳家纔足稻梁看君用幽意白日到羲皇

到此應常宿相留可判年蹉跎暮容色悵望好林泉何日沾微祿歸山買薄田斯懷恐不遂把酒意茫然

驪山

前人

驪山絕望幸花萼罷登臨地下無朝燭人間有賜金鼎湖龍去遠銀海雁飛深萬歲蓬萊日長懸舊羽林

溫泉卽事

皇甫冉

天仗星辰轉霜冬景氣和樹含溫液潤山
八繚垣多丞相金錢賜平陽玉輦過魯儒求一謁無路獨如何

奉和聖製次瓊嶽應制

韋濟

陸海披晴雪千旗獵早陽嶽臨秦路險河

漢垣長路行通鳩鵲離

宮接建章都門信宿近歌舞從周王

望終南

竇牟

日愛南山好時逢夏景殘白雲兼似雪清
畫乍生寒九陌峯如墜千門翠可團欲知形勝盡都在紫宸看

登秦嶺

司空曙

南登秦嶺頭回首始堪憂漢關青門遠商山藍水流三湘遷客去九
陌故人遊從此思鄉淚雙垂不復收

登咸陽北寺樓

張籍

高秋原上寺下馬一登臨渭水西來首秦山南向深舊宮人不住荒
碣路難尋日暮涼風起蕭條多遠心

過華清宮

李賀

春月夜啼鴉宮簾隔柳花雲生朱絡暗石斷紫錢斜玉椀盛殘露銀
燈點舊紗蜀王無近信泉上有芹芽

馬戴居華山因寄

賈島

玉女洗頭盆孤高不可言瀑流蓮嶽頂河注華山根絕崖林藏鶻無
人境有猿秋蟾纔過雨石上古松門

曲江

白居易

細草岸西東酒旗搖水風樓臺在花杪鷗鷺下烟中翠幄晴相接芳
洲夜暫空何人賞秋景興與此時同

入潼關

張祜

都城三百里雄險此迴環地勢遙尊出河河流側讓關秦皇曾虎視漢
祖昔龍顏何處梟兇輩干戈自不閑

秋日出關題潼關驛樓

許渾

紅葉晚蕭蕭長亭酒一瓢殘雲歸太華疎雨過中條樹色隨山過河
聲入海遙帝鄉明日到猶自夢漁樵

行次潼關題驛後軒

前人

飛閣極層臺終南北路迴山形朝闕去河勢抱關來雁過秋風急蟬
鳴宿霧開平生無限意驅馬任塵埃

商於新開路

貞元七 years 上維郡刺史李西華開新道七百餘里

李商隱

六百商於路崎嶇古共聞蜂房春欲暮虎奔日初曛路向泉間辨人
從樹杪分更誰開捷徑速擬上青雲

商山早行

溫庭筠

晨起動征鐸客行悲故鄉鷄聲茅店明人迹板橋霜
花明驛牆因思杜陵夢鳬雁滿迴塘

秋宿慈恩寺遂上人院

李頻

滿閣終南色清宵獨倚欄風高斜漢動葉下曲江寒
帝里求名老空門見性難吾師無一事不似在長安

過四皓廟

前人

東西南北人高跡自相親天下已歸漢山中猶避秦
龍樓曾作客鶴磬不爲臣獨有千年後青青廟木春

題汧湖

二首
選一

許棠

偶得湖中趣都忘隴坻愁邊聲風雁楚思浪移舟
靜極亭連寺涼多島近樓吟遊終不厭還似曲江頭

雕陰道中

前人